



Aux bons François.

MESSIEURS,

Ces iours passez la iuste douleur du tres-cruel assassinat, commis en la personne sacrée de HENRY LE GRAND, conuial l'Abbé du Bois Oliuier Parisien, Predicateur & tres-fidele & loyal seruiteur de cet incomparable Monarque, de detester franchement l'enormité d'un crime si execrable, dans vne des premieres chaires de la capitale de ce Royaume, où il preschoit les octaues du saint Sacrement, & où le peuple s'attend de l'ouyr encore pendant cet Aduent prochain, s'il est en vie.

Et la viuë apprehension du danger du Roy LOYS XIII. donné de Dieu, & de la Royne MARIE DE MEDICIS sa mere, aujourd'huy l'unique soustien de ceste Couronne, au seruice desquels cet Abbé s'est du tout voüé & dedié, le contraignit de refuter hardiment les pernicious auteurs, qui par les appasts de leur eloquence tres-mal employée, ont mis en la main du desesperé paricide, le couteau qui trenchea la vie de nostre Roy, & avec luy esbranla bien fort celle de toute la France.

Cette Predication fut sans dessein, sans suscitation de personne, sans sinistre intention & sans

dup.

1610 au

net

cat. sign.

haine, le Predicateur n'ayant pretendu autre chose par son discours, que de mettre vne telle terreur dans l'ame du peuple, que le premier qui penseroit d'oresnauant à meurtrir vn Prince, ou qui, sous couleur de traiter la question *s'il est loysible de tuer les tyrans*, donneroit occasion de respandre le sang Royal, eut crainte que tout le monde ne luy courust sus comme sur vn damné & perdu.

Sa consideration fut, que les peines presentes arrestent plustost telle rage & forcennerie, que l'apprehension des supplices aduenir: & que le malheureux & diabolique meurtrier, fut plus frappé del'indignation qu'il recogneut en tout le peuple lors qu'il sortit de la Conciergerie, que de tous les tourmens qui luy auoient esté ordonnez par la Iustice. Ce qui mit en l'entendement du Predicateur, vne Maxime; que le plus prompt remede qui se trouue pour arrester ces trop hardis entrepreneurs, subtils & malings discoureurs, est de les menasser d'estre exposez à la fureur d'une populace, qui espuuante beaucoup plus que le cours de Iustice ordinaire, que les plus rusez & matois se promettent coustumierement pouuoir eluder, ou par artifices, ou par vn opiniastre & endurey silence: la où en vne fureur populaire il n'y a point de misericorde, & les Caracteres y perdent leur Latin.

Cette Predication à la verité fut accompagnée de tref-pitoyables remonstrances au peuple François, sur les incroyables obligations que la France aura à tousiours au Phœnix des bons Roys, tant estrangement meurtry & assassiné: & de douloureuses exclamations sur l'atrocité du fait, qui n'approcherent neantmoins iamais de celles que fei-

rent les anciens Peres, au sixiesme Concile de Tolède, sur le meurtre d'un Roy Goth massacré en Espagne.

Elle fut aussi par force gens de bien iugée tres-necessaire à la seurété des inuiolables personnes des Princes : comme au contraire estimée trop hardie, par ceux qui ont des desseins portez plustost à leur accroissement particulier, qu'au bien commun de cette Monarchie : qui de cette Predication là, iugerent bien viste que cette libre bouche ne seroit pas volontiers pour eux ouuerte à Paris.

Et pourtant ils prirent resolution de la clorre à quelque prix que ce fut, & entre autres moyens qu'ils en trouuerent (car ils en ont tenté & tentent encore plusieurs, qui ne leur réussiront pas si Dieu plaist) le plus prompt & assuré leur sembla estre, de rendre cet Abbé odieux à la Royne.

Et se seruant de l'occasion, sur ce qu'il auoit refuté *Mariana, Becanus, Bonafina, Ribadeneira, Emanuel Sà, & autres auteurs Iesuites*, qui ont escrit trop iniurieusement contre l'honneur de feu noz deux Roys derniers decedez, ou traité trop indifféremment & temerairement la question, *si il est loysible de tuer les Tyrans* : ou dit autre chose qui preiudicent à l'indépendance de cette Monarchie, *qui ne releue que de Dieu & de l'espie*, & en les refusant, exhorté incidamment de tout son cœur les Peres Iesuites, que par cy apres ils eussent tresgrand soin, que iamais aucun auteur qui peust offencer la France, ne sortist en lumiere, avec le nom de leur

compagnie, & approbation de leurs superieurs, s'ils ne vouloient de gayeté de cœur s'exposer à des dangers, que toute leur prudence fortifiée de l'autorité de leurs confidants, ne scauroit éviter.

De cecy ils font le nerf de leur accusation, & disent à la Royne que l'Abbé auoit pensé esmouuoir vne sedition contre les Iesuites.

Or ne firent-ils pas leur faict si secrettement que ledit Abbé n'en fust dès aussi tost aduerti par *des Grands de la Cour*, comme aussi du mescontentement que la Royne en atioit tesmoigné. Ce qu'il dissimula doucement, se reposant sur la Iustice & equité de sa Majesté, qui n'estoit pas pour condamner aucun diffinitiuement sans l'ouyr en ses iustifications.

Seulement recommanda-il à Dieu son bon droit, & se tint prest de rendre compte de son action à sa Majesté, quand il luy plairoit s'en esclaircir par la voix de l'accusé, qui n'estima pas que la Royne, qui est des plus sages & aduisées Princesses de tout l'vniers, fust pour luy clorre la bouche sur le rapport d'autrui: parce qu'elle scauoit tresbien, qu'il est vray François & n'a *aucun serment qui l'oblige hors le Royaume*, & pource aussi que ce faisant, il falloit qu'elle fit taire *beaucoup d'autres Predicateurs & Curez*, qui auoient parlé auant que luy, & qui *au grand creue-cœur des interessez*, veillent iour & nuict à la seureté des personnes du Roy & de la Royne, & au repos de cet estat, qui a pour Pole vnicque de sa Religion & de sa gloire cette trefchaste & tref-vertueuse Princesse.

Cependant il fut aussi preuenü de pareille accu-

sation deuant ce sage & digne Prelat *Monsieur de Paris*, qui à l'imitation de ce grand Dieu, qui disoit; *Je descendray & verray*, voulut ouyr l'accusé; de la responce duquel il recueillit sur le champ que ce n'estoit ny passion, ny inimitié, ny rancune contre les Iesuites ou autres, qui l'auoient porté à prescher ce qu'il auoit presché: mais l'effroyable horreur, & l'indicible douleur de l'estrange mort de son tresbon maistre: & le doubte probable du peril du Roy & de la Royne, tandis que ces maudits liures auroient cours parmy les hommes, & pourtant, le renuoya, apres l'auoir doucement admonesté de viure en amitié avec tous les autres seruiteurs de Dieu, & sur tout avec les Iesuites; & de continuer à prescher l'obeyssance deuë au Roy, & à la Royne, & à louer les hauts merites du feu Roy, sans offencer personne.

Autant en firent, chacun en son endroit, ces deux grandes lumieres, l'une de la Religion Romaine, *Monsieur le Cardinal du Perron*: & l'autre de l'Estat de France, *Monsieur de Sillery*, *Chancelier*, qui tresaffablement & benignement assura cet Abbé, qu'en continuant de bien seruir à Dieu, & à l'Estat, iamais la protection de la Roine ne luy deffailleroit, ny l'assistance de tous ses bons seruiteurs.

Voyla donc le Predicateur fort content, & tout resolu de faire tousiours de bien en mieux: ne pensant pas qu'apres la diligence de ces grands personages, il luy restast autre chose, que de monstrier par cy par là en ses predications, quād sa matiere l'y porteroit, qu'il n'auoit point eü, & n'auroit iamais intention de taxer tout le corps des Iesuites, ains seu-

lement de blasmer quelques particuliers auteurs d'iceluy. Mais sur ces chrefaites, le bruit courroit par Paris, que ces bons Peres disoient & faisoient merueilles contre luy, & notamment dans la Cour. Dequoy estant aduertty, il respondit qu'il ne le pouuoit croire; parce que de sa vie il ne leur donna iuste cause de le hayr, au contraire les auoit aimez & honnorez dès sa ieunesse, & les aymeroit & honnoreroit tousiours, adionstant que quand bien il les auoit faschez en quelque maniere, il ne se pouuoit persuader que gens de leur robbe fussent enclins à vengeance.

Vengeance! dit vn de ceux qui luy parloit, ils en ont tant, qu'ils ont porté vn Seigneur de la Cour à menacer, qu'il vous jetteroit en la riuiere. Cefut lors que le pauvre Abbé tressaillât de ioye, se mit à deux genoux, & leuant les yeux au Ciel s'escria. *Ha mon bon Dieu, seroit il bien possible que vostre diuine Majesté se daignast faire tant de grace à vn pauvre pecheur & ver de terre tel que moy, de luy octroyer la couronne de martyr, pour auoir maintenu que les personnes sacrees de nos Princes Tres-Chrestiens, enfans aïsnez de l'Eglise, ausquels vostre Toute puissance a donné à gouverner les purres & blanches fleurs de lys, sont inuiolables, & ne se doiuent offencer! ainsi soit-il mon Dieu, ainsi soit-il; ie suis tout prest de recevoir la mort pour ce regard, vienne quand il luy plaira: elle ne me sera trespas, ains triomphe, non vitupere, mais honneur, non amertume, mais douleur.*

Tandis qu'il parloit encore, il suruint vn autre personnage de qualité, qui l'assura auoir ouy dire aux Iesuites, que ce sermon là, luy auoit fait perdre

la bien-veillance de nostre Saint Pere, & de plusieurs Euesques: & qu'il ne falloit plus qu'il attendist de faueur du costé de Rome. Plus que iamais, respondit l'Abbé, pourueu qu'on escriue la verité à sa SS. qui me cognoist bien, sçait que ie bruslois d'amour enuers HENRY le GRAND, & que la plus sensible playe que i'aye iamais receuë, a esté la perte de mon maistre, & d'un tel maistre, qui me cognoissoit mieux que ie ne me cognoissois moy-mesme; & enuers lequel ie n'auois pas peur de pouuoir estre calomnié. Il dit aussi, qu'il ne falloit pas douter, que la façon de ceste mort tres-inhumaine ne touche sensiblement le Pape, qui outre sa dignité de souuerain Euesque de tous les Chrestiens, est encore Roy en ses terres: & a grand interest que l'opinion de Mariana & de ses consors soit exterminée hors du monde: En somme il nous asseura que sa Sainteté sçauoit fort bien quel estoit son cœur enuers tous les Religieux, lesquels il se garderoit bien d'offenser en corps, pour les fautes de leurs membres particuliers, & qu'il esperoit que dans peu de iours, Dieu manifesterait son innocence au Pape, à la Royne, & à tout le monde, & qu'il seroit encore plus aymé d'eux que iamais.

Or semble-il qu'il deuinaist pour lors, ce qui est du depuis arriué. Car à peine la Lettre declaratoire du P. Cotton fust publiée, que l'Abbé vint à moy, & me dit en riant, *O bien Monsieur*, les Iesuites me veulent-ils mal comme on disoit? s'ils me veulent mal, ils veulent donc mal à eux mesmes: puis qu'ils commencent en ceste lettre, encore que ce ne soit qu'à demie bouche, à detester ce que i'ay detesté si couragement, pleust à

Dieu que leur lettre, telle qu'elle est, fust sortie en campagne pendant la vie de HENRY le GRAND, que de bon-heur pour la France! que de repos pour les Curez & Predicateurs qui ont couru & courent encore tant de risques pour auoir descrie Mariana, Becan, Bonarsius, Vasques & autres autheurs Iesuites! que de consolation à la Cour de Parlement, ferme bouclier de ses Roys & de leur Monarchie, si elle n'eust iamais esté contrainte de se seruir du feu, pour purger l'air François de la peste & contagion, que ce pernicieux Iesuite y auoit amenée!

Il est vray, que comme on dit en proverbe, apres la mort est venu le Medecin, mais aussi est-il vray, que si ce n'a esté pour le Pere, ce pourra estre pour la vesue & les heritiers Prudents Curez de Paris, bons Predicateurs François, Doctes faculté de Theologie, Iuste Parlement, c'est vostre constance qui a fait esclorre cet œuf, que les Iesuites couuoient comme dict le P. Coton, depuis leur congregation Prouinciale de l'an 1606. dans le secret de leur compagnie. J'auois pieça requis par lettres de Tres-illustre & Tres-pieux Cardinal Belarmin, de ce desadueu public de tous les Iesuites, preuoyant bien que Mariana nous apporteroit de la tempeste à bon escient.

Et que sert ce desadueu du P. Coton, dis-je lors à l'Abbé, puis qu'il est tout Amphibologique? farcy d'Equiuoques, & mots à deux ententes, & plustost vne mysterieuse Cabale qui ne peut estre déchiffrée, que de ceux qui entendent son Galimatias & son jargon, qu'un ingenu & franc discours? Il sert, respondit l'Abbé, à tout le moins à faire voir au Pape, à la Roine, & à toute la France que les Curez & Predicateurs n'ont pas eu tort, en blasmant, ce que ceux-là
mesme

mesme (sous couleur desquels on les accuse) ne peu-
uent moins faire que de detester : & à mettre pour
un temps hors de Cour & de procès, les appointez
contraires. Il sert à raddresser au bon chemin tant
de pauvres desuoyez, desquels les prisons de Paris
sont pleines, pour auoir follement parlé du meurtre
des Roys, qui voyant que les Jesuites reprouuent
l'autheur ou ils ont puisé leur resuerie, reuien-
dront aisément à cœur, & recognosstront leur faute.
Il sert en fin, d'acheminement à une expresse & am-
ple declaration, qu'ils seront quelque iour contrainsts
de faire toute absolue & sans restrainte, afin qu'ils
vivent parmy nous en tout repos & tranquillité, &
travaillent coniointement à la vigne de Dieu sans
schisme ny diuision. l'espere quant à moy qu'ils au-
ront quelque amy qui les aduertira en secret des no-
tables deffauts de leur lettre, afin de les corriger à la
prochaine impressiõ, & de parler François à bou-
che ouuerte. Vous auez raison d'vser de ces mots,
notables deffauts, repliquay-je à l'Abbé : car par
trois considerations, on peut veoir en cette let-
tre d'estranges dispositifs à mal. Et premiere-
ment les Curez & Predicateurs François en-
seignent conformement à l'expresse parolle de
Dieu, à la pratique de la primitive Eglise, à la
plus grande seurété des Princes, & tranquillité
du peuple, qu'il n'est nullement licite de tuer le Ty-
ran, les autheurs alleguez par P. Coron, & sur-
tout de Valentia, limitent cecy si ce n'est par iuge-
ment public, ce que neantmoins ledict P. Coron

a teu, Dieu sçait pourquoy & avec quelle fin-
 cerité; ô que de malheurs sous ce iugement pu-
 blic! que de baricades! que de ligue, & autres
 choses que ie n'ose dire! ô iugement public!
 belle couuerture pour l'ambition des grands,
 ou pour le mescontentement des peuples. Se-
 condement les Curez & Predicateurs François
 fortifient l'autorité Royale par infinis beaux
 textes de l'Escripture sainte, puissante à capti-
 uer les esprits, & par ce qu'ils combattent à ou-
 trance, se seruent de la parole de Dieu glaive de
salut. Le P. Coton comme s'il n'y auoit point de
resine en Galad, rend ceste autorité Royale il-
 lusoire & poëtique, n'allegant pour la fortifier
 qu'Homere & Menandre. Aussi ne faict-il que
 tirer des brettes comme vn escrimeur, qui ne
 veut entamer la chair: d'où on recueille en
 quelle estime il a la dignité Royale; qu'il traite
 poëtiquement & si negligemment. Tierce-
 ment, les Curez, & Predicateurs François
 ont fauorables en leur assertion, deux grands
 corps de doctrine & de police, deux bouches
 veritables, celle du Ciel & de la terre, la faculté
 de Thologie de Paris, & le Parlement; & le P.
 Coton n'a que des auteurs estrangers, pour la
 pluspart, & des fauteurs pleins d'interest, por-
 tez par le plaisir, ou alechez par l'espoir de
 quelque faueur dedans ou dehors ce Royau-
 me, & partant empeschez de discerner le vray
 du faux, le doux de l'amer, la lumiere des tene-

bres, & preuenus d'une maladie d'esprit, de laquelle les fortes ames ne se lerront iamais abatre,

Misere de la France, qu'on la vueille faire aueugle, & que les passions des Iesuites y seruent de loix, Les Iesuites le disent, le P. Coton l'escriit, ergo il est vray. Tourne la medaille François & dis, les Iesuites le disent, le P. Cotton l'escriit, Ergo c'est chose suspecte. *Timeo Danaos. Et nunc Reges intelligite* Psalm. 2. 10. *Erudimini qui indicatis terram.* Et vous Roys maintenant entendez, prenez instruction qui iugez la terre. Mais vous plus que tous *Tref-grande Royne MARIE DE MEDICIS*, qui estes responsable deuant Dieu & la France, du tref-precieux depost, que la Cour de Parlemēt qui vous a declaré Regente par Arrest, suiuant la nature, & les anciennes ordonnances de France, a assigné entre vos mains, de la personne de ce rendre Aignelet LOYS XIII. Dieu donné, que les yeux malades de ces Doctrinaires peuuent aisément enforcer.

Nescio quis teneros oculus mihi fascinat agnos.

Plutarque s. simpos. chapitre sept, ce grand Moral & homme d'estat vous auise, que les

sages Meres ne laissent pas voir , ou pour le moins regarder longuement leurs enfans , à ceux qui ont l'œil charmeur , quelques parents , amis , ou familiers qu'ils soient. Ne turpis , dict vn Ancien , inuadat illos sensim morbus , & inuidia corrumpatur gratia forma. Je ne sçay point tant de subtilité , respondit l'Abbé. Seulement ie sçay bien , qu'il y a force gens qui voudroient que nous fussions des-ja aux espées & aux cousteaux ensemble , pour faire leurs affaires & pescher en eauë trouble , mais nous n'y serons pas , si l'plait à la Roynne , & à Nosseigneurs de son Conseil , laisser faire les bons François qui ont l'œil à l'erte , & qui feront suer iusques au sang par leurs langues & par leurs plumes , ceux qui enseigneront ou feront autrement que ils ne doiuent en France , contre lesquels tout bon François doit dire *Psalm. 138. 21. Perfecto odio oderam illos , inimici facti sunt mihi.* Je les hayssois de parfaicte hayne , ils m'ont esté faicts ennemis. Adieu , Adieu , dy lors à l'Abbé , si tout le monde viuoit comme vous,

Nous chanterions longues années

*Malgré les ames basaneés,
Viue le Lys, viue le Roy.*

Soubs vn seul DIEV en mesme foy.
Vive la mere du Roy LOVYS,
Vive MARIE DE MEDICIS.

Et vive la paix de la France,
Qui durera plus qu'on ne pense;
Vive en nos cœurs le GRAND
HENRY
Par qui les lys ont refleuruy.

